

真

松

閣

詞

真松閣詞序

梁溪多詞人 國朝以來嚴秋水宮允顧梁汾舍人所著詞稿至今膾炙人口劉芙初太史晚出受業於楊蓉裳先生之門得其傳衣名噪菽苑伯夔刺史爲先生冢嗣早歲敦敏嗜學青緇劬好含咀道腴平生富著述尤工倚聲守其家鉢更陶冶於唐宋諸名家而擷其精華攄以妙筆江南北一時稱宗匠焉顧以文憎命達連不得志於有司歲己卯以縣丞簡發來直始宣力于河防旋補雄縣丞調蠡邑擢固安令洊升薊州牧鳴琴退食之暇廼編錄真松閣詞如干卷

先以授梓郵筒寄示屬弁一言余竊謂北宋詞人不襲南唐之貌而或失之過剛南宋則力矯剛勁險率之弊而常流於纖膩過猶不及君子疑之真松閣詞六卷譬之於文殆合江鮑徐庾爲一鑪之冶古豔以樹骨悱惻以厲情醲郁以鑄詞抑揚感慨以寄意揜羣雅而成專家傳世行遠又奚疑哉伯夔詩古文俱有專集他日手自纂訂彙付剞劂與先世芙蓉山館全集同播詞壇並垂不朽斯尤余之所厚望者耳道光甲午季春旣望石門弟方廷珩拜叙

梁溪多詞人 國朝以來嚴秋水宮允顧梁汾舍人
所著詞稿至今膾炙人口劉芙初太史晚出受業於
楊蓉裳先生之門得其傳衣名噪菰苑伯夔爲先生
家嗣早歲敦敏嗜學青細劬好殆或過之生平著述
於詩文外尤工倚聲守其家法更陶冶於唐宋諸名
家而擷其精華攄以妙筆江南北蔚然稱大宗矣余
性拙而懶於學一無所成伯夔於戊寅己卯間簡發
來直需次會城每有吟詠常督和之余以家事牽濶
輒負約不果作伯夔不余責也又暇日常以真松閣
詞集見示余於詞學茫乎若迷或不能句讀讀未終

闕嗒焉若喪不能出一言以相往復伯夔亦不余責也伯夔嗣由蠡邑丞擢固安令鳴琴退食之餘迺編錄舊作如干卷先以付梓郵寄屬余弁以一言余卒讀而嘆曰集中長短諸作氣凝而厚詞麗而膽味雋永而音節舒和嘗謂北宋詞人不襲南唐之貌而或失之過剛南宋則力矯北宋剛勁險率之弊而常流於纖膩過猶不及君子疑之真松詞一冊譬之於文殆合江鮑庾徐爲一鑑之治古艷以樹骨悱惻以寓情濃郁以鑄詞抑揚感慨以寄意揜羣雅而成專家傳世而行遠又奚疑哉卽以此數言錄寄伯夔若云

弁言則吾豈敢其言之不文與未能傳作者真意之
所在伯夔當如昔之不余責也夫道光甲午季春石
門方廷湖書後

真松閣詞目錄

卷一

長短調詞五十三首

卷二

長短調詞六十九首

卷三

長短調詞五十五首

卷四

長短調詞六十九首

卷五

長短調詞六十二首

卷六

長短調詞八十首

真松閣詞卷一

金匱 楊夔生 伯夔

石州慢

登橫城樓望賀蘭山

蕭瑟嵯峨城倚夕陽邊色蒼古謫僊飛去何年零落
遺蹤堪遡秋眸翦綠濛濛徑寸長松青霞萬點明如
許瑣細彈丸間是絡藤峯乳 輕履也應散髮遠逐

麇麇蒼巖深處剔雪尋妍空際碧花微唾

山深處積雪凝沍終

古不消雪中開蓮花色白襟期何以迥然嵩洛間情蕊圓氣極芬郁洵異卉地

幽馨拂拂生眉宇我欲買柯林向此中消暑

木蘭花令

靈武環城月湖烟景渺瀰可喜暇日偕數友
野步作詞以記適

野廬老樹孤雲鎖落葉紛鋪欣可坐南湖秋水曲通
濠北里鄉亭如繖大 芒屨草香三徑破昨日豆花
棚下過忽然迎面好風吹一點流螢烟際墮

高陽臺

新秋息園晚眺

雁起荒蘆鵲拳新竹青山屋上參差白雨前宵樹頭
颯颯催詩虛堂清寫桐三尺有故園泉石遐思記重

來飄盡凝雲晴老烟絲 樓臺依舊饒幽禱只怪他
去燕寒到先知可識籬花者番疎瘦多姿秋痕澹勝
春濃處在斜陽蒼翠明時更關心涼夜推扉新月如
眉

昭君怨

記得榴裘翻酒暖傍香篝熏透容易夕陽斜泰娘家
幾日薄陰愁悶不及新晴清潤秋錦小房權雁來

紅

風入松

曉行鳴沙洲

亂山銜月一輪斜，清淚落邊笳。居人未醒，茅茨夢松
杉影，自畫龍蛇。彷彿渭南村舍，平泉磨洗雲沙。風
鳴空穴走瓊車，未放薄帘遮。殘衫破帽尋詩去，飄零
感莽莽天涯。不是騎驢長吉，錦囊細繡圓花。

南鄉子

偕周二鈞雲

爲漢

遊初龍寺觀真珠泉

寺在
高平

城西二
十里

畧約寺門通，芒屨輕穿野竹叢。千滴墮瀾翻澗瀑，溟
濛猿夢西懸雪嶺松。新月下珠宮，慈姥巖前玉蘚
封。碧糝靜餐雲子滑，玲瓏便卷精簾第幾重。

壺中天

會飲文氏園用玉田養拙園夜飲韻卽書贈

文秀才

登玉

溪堂十笏映松皮石髮滿簾蒼綠便釣僊潭雙鯉去
我愛風漪千曲吹澀寒竽飲深香耐醉倒春星屋海
蟾未上樹根紅漏殘燭地非楚山荆山漫郎詩俊
秀色真堪掬不掃白雲呼與語定有清言霏玉度閣
琴書當門禾麥任抱疎烟宿故鄉田瘦何時歸種修

竹

過礪歇

青銅峽

孤峭摩天路漫滅雙厓奇特羣峰四旁森列似矛戟
出峽奔濤何急雷鞦聲轟砦盲風起怒鶴驚飛響磔
磔 洪濛誰試手斲斷雲根削成奇骨終古無人跡
苔蝕藤纏老樹杈杈蒼烟深處往來惟見猿獠擲

百塔寺

古寺嵯峨倚山側松杉深黑暇日尋幽興劇理輕策
閑撫堦前怪石峭禱玲瓏極瓢堂廢開土何年駐飛
錫 登高宜眺聽登嶂攢雲驚濤滾雪欄楯浮空碧
苔磴無塵跌坐多時舉鞭試數巖腰盪盪浮屠百

菩薩蠻

宿峽口禹廟同筇雲作

荒榛細路趨靈閣蒙龍天半聞清鐸神壁畫波濤水
官蘆葉袍殘燈松映碧如坐崧陽驛山殿護風雲
人眠虎過門

生查子

靈武寒夜

歲晚客殊鄉歸夢迷南北疎葦替梅花亂落青羌笛
山樓忽見燈隴雁初逢雪萬木立寒僵柝打孤城

黑

漁家傲

空同山龍日禪院

絕磴巘岈天尺五，僊雲只傍僊梯住。似勝探奇華不
注松缺處羅羅翠石千鸚武。日上經幢聞粥鼓。倦
遊且共山僧語。戶外紫烟橫一縷。三月暮桃花滿地
青羊卧。

湘春夜月

觀靈武陸氏所藏仇十洲臨李龍眠白描圖

卷

龍女牧羊圖

聽琤琤湘靈鼓瑟初終。又早羅襪輕鈎小。謫出珠宮

一點君山月落盼涇陽霞色紅透天東只千羣殺撫
驅來浩渺羞說耕龍 冰簪敲斷帶人嬌怨直恁惺
忪細認沙頭斑竹有幾絲酸淚添染愁紅帛書繫未
似羈臣數遍征鴻潮又遠覓龍堂何處極空搖碧誰
訊槎風

八犯玉交枝

前題

天女絡絲圖

卷幔涼柔繚垣陰醜空館蘭香初降隱几東陽琴瑟
古值得練絲分貺交花締網莫教怨緒迴環由來碧
落愁千丈聽否一繩雁外罨輪風響 數聲尖咽有

調係玉女迎
春慢

時似纒似紡明痕只共秋長想擘水鉤烟情況漸研
冷田田瓊掌試織作綃紉微亮團團入手雲蕤颺六
月彈蠅玉窗羅幕添蕭爽

玉女搖僊颺

前題

玉女投壺圖

三素雲中瓊籤直攜出蕊宮花徑聽過玉晨清磬織
指嫩涼猶凝吹蘭氣靜待壺口輕烟搖定瞥然一擲
蕭蕭勾陳闌月如井不是拂局彈碁星眸側注巧
煩心性對面銀鸞舞影生怕翼風飄引百嬌都勝好
博得電光翻錦水樂丁東二十四枝齊迸

憶秦娥

愁天氣開門澹月陰陰地陰陰地粉塘數點密梅花
細微寒一剪吹羅袂可憐翠陌歌樓閉歌樓閉馬
嘶人遠琴心如水

減字木蘭花

夜起

天何嘗曉窗外月和霜色皎鵲夢回時喚起南雲繞
北枝今宵寒重一樹梅花甘受凍半樹微溫煮藥
房櫳尙有燈

朝中措

新蘭佩玉寫瀟湘
硯北楚天長
數點亂峰烟
樹歸鴉
自識山莊
桃飛短晝
杏飄斜日
誰拾愁香
錯怪東
風吹送柳花
澹了春光

清平樂

樓頭天晚雨濕疎雲
嬾西子眉痕無此
澹畫箇生綃
團扇琵琶絃語
淒涼攜來錦瑟
偏長且看一雙鸚
鵒飛穿十丈紅薔

浪淘沙

風起畫檐西
一片斜暉無言
我自看春歸
燕踏簾鉤
鶯坐樹齊讓花飛
柳外玉驄嘶
遊侶應稀
最關心

事故瞞伊從此香車蹤跡杳挑菜長堤

玲瓏四犯

登德清玉塵峯浮遠樓

巖岫砌藍峭岑鏡碧飛樓縹緲雲路浩歌攜謝屐遠
躡盧敖步危楯玲瓏漫撫倚高寒鬢絲千縷半壁晴
湍數峯蒼石霞杪畫秋樹空翠冷沾衣屨乍泠泠
松籟如聽風雨雁邊秋去遠天澹長烟暮乾坤靜爽
堪舒肱又打起清時鐘鼓悄延佇眺綠野幾家桑葚

章臺月

舊遊池館柳門烟鑰誰勾管醪醑落盡成秋苑幾點

飛英飄入樹陰慘 金梭浙瀝鮫綃軟
麥晴時候應分浣買花小女懷
芳券不識新愁較量紅深淺

雙鷓鴣

森森秋江烟浪瑟瑟荻蘆風響吹笛酒家樓上樓下
千舟來往 日日三三兩兩不待潮平潮長何處知
他歸舫一船獨打雙漿

鬲溪梅令

舟過橫塘

碧窺菱鑑漲紋平漾吳船漫向曉涼妝鏡見飛英翠
翹何處尋 紅犀小扇趁新晴野風輕十里芰荷香

遊石橋橫塘潮自生

慶春宮

吳淞垂虹橋宋紹熙間白石道人同俞商卿
錡朴翁自封禺歸梁谿道經於此相與倡和
嘗賦是調亦千載一時之樂也壬戌七月旣
望予自梁溪遊吳興月夜著越練單衣艤舟
橋側蒼楓蕭森螢點亂綠涼風皺波柳影畫
袂卮酒小飲薄醉清夢遂解勝囊取白石詞
於野綠疎處扣舷高歌慨念陳迹淒然久之
亦倚此詞卽次原韵憑虛以弔

斷碧分山疎青畫樹蘭舟夜熈空濶雨過湖天涼蟾
被暝素鷗夢穩蘋末澄潭照影聽擊雪權謳聲發當
年高躅賸有危橋蒼烟低壓翠消菱鏡涼初雨槩
來時賦愁誰答望極雲波酒醒夢遠岸幘高歌難遏
滿襟幽意還想像紵衫羅襪挈音遙去穿入溪烟曉
光一霎

聒龍謠

鄜湛若天風吹夜泉硯向藏玉蘭泉司寇家
鏤石凝脂漉巖浪重搏手青花黝細投筆蠻天逐翩
翩書記度藤峽月洗新泉題銅柱電流長袂羨當時

繡額花冠曾捧侍水蒼珮
搜赤雅寄瓊思任潑墨
點點蝶綃香麗孤蘭瘞後說山賓歸矣賦西京字擲
鯨牙入東觀諾書鳳尾看一絲薄暈輕潮女瓊礎底
菩薩蠻

宿靈隱寺僧樓

北峯雲接南峯雨冷泉亭畔幽人語遠火動疑燈松
橋度夜僧石根喧暗瀑似隔濛濛竹莫道古潭空
深藏摩頂龍

點絳脣

江上送友人

杳杳微微去帆尚見當斜照岸花汀草寂寞惟鷗鳥
柳故吹棉要我知春老江邨小墟烟孤裊歸去黃
昏了

小重山

題王石谷畫卷

葑上田荒接石缸催耕啼不歇鵝鳩雙社時風雨杏
花降春還在老屋小書窗居士合呼龐家中何所
有酒平缸竹溝水活入烟江無舟艤漫漫欲生莊

琴調相思引

浪逐桃花燕子河絲絲楊柳舞晴梭畫船愁滿爲聽

窈娘歌 東晉年華芳草短南唐春日碧雲多昨宵
中酒燭淚流香羅

減字木蘭花

初秋泛舟

藤橈劃水淺碧疎籬搖短葦涼暈單紗渚暝蘭風漾
玉沙 林藏石屋松頂月高飛水鶴野色依微獨夜
尋詩一舸歸

八聲甘州

癸亥七月既望夜景冥鬱畧無塵穢同袁蘭

村通登江亭

趁夕陽筇笠果幽尋莫負好旗亭引平泉花竹生香
不斷著處秋痕罨畫半奩涼暝魚夢聚蘆根舊日題
紅地活水流雲 人與西風是客載荷筒酒苦重欸
青尊漸芋衣疎索霜黯拾蓬螢悵草郎清愁似織換
秋眉新綠與山分沈吟久一星窺塔紅樹斜門

湘月

新雪初積孤坐寓齋薄飲畏寒感懷鄉里因
倚白石道人念奴嬌鬲指聲一闕書寄故園
諸子

詩襟換日恁催殘時序歸計難準片雪飛來儘到處

吹斷尋常風信柳古邀雲梅遲閣夢檐曲通幽暝薄
游應倦烘鑪莫負清飲倩誰彈冷瑤琴玉妃起舞
理烟鬟霧鬢延竹聲疎更甚日去覓西溪漁簪一舸
滄灣寒依沙鳥只就蘆邊聽鄉書分付故人樂事重
省

壺中天

題李虎觀 邦燮 二丈梅梁漁隱圖

漁莊深隱愛圍籬花樹野烟疎曲尺幅溪山圖畫古
嵐影遠浮蛾綠波展空明雲生虛白春暝通沙屋珊
竿靜戛元真當日高躅休歎京國衣塵他年歸去

鷓夢宜重續隨意琴書瀟灑甚蒼雪冷飛深竹折笛
吹花移涼泛舸清絕耽幽獨飄然詩思霽蟾遙掛團
玉

高陽臺

錢謝盒

枚

丈綠柳楠精舍小集送邵蘭風

廣

銓之河間

簾額遮香闌腰過酒天涯小聚清歡君去非歸依然
柳老江潭尊前試弄桓伊笛帶商聲別淚偷彈更微
吟雪屋燈明詩夢清寒 頻年我亦羈京國况客中
送客歲晚風酸見說來朝載愁只有征鞍桑乾水凍

流澌咽爲離人怕聽驚湍剩離情黯作空雲吹滿邊
巒

卜算子

曉起王雪舫

浩

齋頭看梅花

雪舫山陰人

客去故人來分付花迎送鵲踏橫檐雪一枝畫出江
南夢池閣曉風吹惻惻寒威重欲照西施冷澹妝
知否愁漪凍

翠樓吟

謝盒丈招集諸同人於綠柳楠精舍分題得
錢舜舉張麗華侍女汲井圖

雲綆涼纖露盤風嫩盈盈波并華水景陽鍾乍動早
半枕春嬌催起層樓結綺正倦壓紅綃蕙蘭香氣新
粧麗玉鞦沆蘚衣沾疎翠 當日狎客裁詩更瑋箋
細擘幾絲紅淚斷腸桃葉渡爭一霎攔江千騎宮槐
烟裏悵玉樹歌闌銀瓶恨墜圖畫底臙脂消盡殉花
無地

蘇幕遮

歛柔蔥淹粉淚一種淒涼便是愁滋味蹴落嬌紅狂
燕尾啄慣楊花錯怪流鶯嘴 野橋寒朝雨細過了
清明好作留春計春去春來忙到底試問西園那是

閒桃李

踏莎行

畫鼓雕旗錦繡帽前宵悔說封侯好已看行色到
郎邊戍樓芳草絲絲道燕別新巢蜂喧落照如今
便有愁來了凝妝忽覺柳陰多淒涼暝歷簾櫳早

減字木蘭花

春紅無跡幽樹一株花亂白明日清明細草游雲憶
冶城嬌鶯不語飛入苧羅窺靜女暮雨來耶嫩水
濺濺人浣紗

琵琶僊

陶鳧薌先生

標

屬題客舫填詞圖

流水涓涓正極目一片暮愁空濶輕約小艇如鳧呼
雲度環碧知多少吟鶯心事奈過了翠陰時節楓外
題紅萼邊采綠渾是秋色更轉眼樹老江潭歎客
裏匆匆記遊歷惆悵滿襟幽恨付蕢洲漁笛人自遠
汀蘆做暝漸涼光移上苔石想見清夜推篷暗燈明
雪

解連環

題吳大兼山

嫌

湖田詞隱圖

滿簑翠雨向烟邊浣盡東華塵土放長吟萬頃湖田

度一片涼雲飛來秋句衆綠沈沈恐冷夢易迷汀樹
莫因循忘了幅巾花老故人羈旅 羨君此時情緒
縱換却荷衣寄愁何許泛孤篷坐隱圓波載竹色湖
光去尋鷗語淡染冰綃儘寫出俊懷千古更相看晝
靜窺詩數峯清苦

思佳客

長安秋雨夜賦

綠樹黃簾澹暮塵冷然茶夢灑來清窗間琴與檐前
瀑只有銀灣似此聲 遊子意故園心木樨香野入
支硎疎疎夜半僧樓磬會共空山老鶴聽

蕙山溪

以白石道人集持贈陳雲伯

文述

爲題此詞

清愁難覓桐瘦彈涼碧古調更重翻記當日仙翁遊
歷歸來雙槩舊曲譜桃根吟未了已忘機月下鋪瑤
席垂虹勝聚深夜留吟屐笑語白鷗前蕩十里孤
舟雲雪長歌堪倚誰識百年心溪畔石水邊林有烟
簑能說

長亭怨慢

送蘭村之官揚州

悵客裏離觴乍引涼笛雙聲不堪重聽最是愁人去

程無數夕陽嶺禁寒柳困爭蕭瑟尙懸蒼暝玉塞花
遲便啼鳩難傳春信疎俊羨杜郎去也都把京塵
浣盡一襟波影向紅藥橋邊移艇有輕盈珮約飛花
更蛭戀暖香詩鬢囑銀字題成頻寄十番新錦

鷓鴣天

太息攤書據案頭輸他年少趁佳遊馬馳楊柳山邊
策帆挂桃花港外舟容小住便歸休萬詩題不破
春愁靜中觀物還生羨有翼閒禽易上樓

憶舊遊

初夏兼山訪余話江鄉烟水之勝愴然於懷

蘇軾詩集卷一
三
各抱歸志後數日旋聞兼山已束裝矣賦此
送別卽題其詞稿後

漸西園高樹膩葉娟娟新綠生初共話天涯感引斜
川歸興鳩後思鱸羨君詩瓢輕擲幽夢落菰蘆更託
意焦琴吟邊欵鷺照影清癯 愁余溯往事料舊家
池沼半已荒蕪縱踐扁舟約恐丹楓吹老歲晚江湖
欲尋詞仙踪跡應汎羽觴無待掬取涼雲鶴衣散拂
梅影疎

八聲甘州

蘭邨自癸亥來游都門昕夕過從唱和甚樂

尋復別去逾歲余至白下相見欣然遂招飲
於隨園瑣花旋竹衆綠吹楚感念舊歡卽席

賦此

記玉關橫笛暮寒初雁起雪吹蕪爭送君歸後詞牋
蕭瑟燈暗琴孤幾度屋梁殘月鶴病北山書片葉無
題處斷夢雲疎那分江臯重遇且竹深過酒波淺
尋蘆問灣頭春水會約小憐無想修蛾也添新綠傍
垂楊倩仿麗人圖還相許星河後夜蘭漿明湖

滿庭芳

秦淮水榭聽人度桃花扇樂府

蕩屋春風連江夢雨碧光微逗朝絲哀箏一拍幾柱
玉參差寂寞寒濤東起興亡恨付與歌兒人何處荒
涼酒社鷓鴣歎蔣侯祠 相思紅淚盡幅巾短髮重感
棲遲便沙才董白唱遍新詞總是風花無賴春欲去
我正愁時憑闌望青旗腰鼓惆悵六朝詩

虞美人

客中冷節匆匆過茶試僧廬火儘撩人瘦海棠肥莫
惹湘鳥來傍怨紅啼 西南春巷花泥少燕子巢空
了問君何處頓閒愁一片斜陽山郭與江樓
散花峽裏逢神女潛隔飛烟語落梅吹與笛中聽只

是累儂空處覓淒馨
莊生曉夢爲蝴蝶願領勾春
牒十洲浩渺信難求
恰到江南雪後釣艖頭

風入松

臺城書感

塵凝半榻客愁加
孤檻接天涯殘鐘宿火南朝寺感
飄零輕誤年華我欲射鵰城闕寒衾夢到龍沙石
橋巷口泰娘家紅淚澀
箏琶酒闌春思知何處在黃
昏雪後檐牙數點蜜香清潤蜂窠做近梅花

玉樓春

山園雪霽

山園霽色收雲霧不記疎林梅幾樹眼前除却分欄
橋潑地竟無無雪處憑軒朗誦坡仙句彷彿賦詩
臨北固鐘聲飛出佛狸祠一鶴一僧江上去

真松閣詞卷二

金匱 楊夔生 伯夔

秋霽

本意

澄湛秋光不縱目晴郊負此秋色荻渚花飛果園棗
熟風來涼透衣隙杳無塵迹閒潭塔影一枝直更忽
聽落葉蕭蕭吹斷半林碧 烟波水瀨分外空明愛
他漁舟來往如翼看寥天雲波漸暝詩情只問灞橋
客回首遙原蒼翠隔夕陽樓角細數幾點昏鴉一繩
新雁倚窗橫笛

漁歌子

自唱滄浪自轉篷
殘雲細雨極空濛
開過了早芙蓉
輕舟一葉不知終

堪羨漁翁孤不孤
兩鷗看我酌雙壺
無愛憎且嬉娛
醉來凡事付模糊

一水誰分瀟與湘
接天無際碧於洋
閒曬網趁新涼
漢臯蘭葉覺微香

曉日迎橋似淡金
掉船重把釣竿吟
雲有意雨無心
自來三楚異晴陰

湘廟神弦競水嬉
笙歌不賽屈原祠
千古恨滿江蓀

起潮風信到靈旗

朝暮千帆轉浦斜
買船多半是長沙
攤小鯽饗神鴉
年年時節柳飛花

向晚炊烟繞柁飛
野蘆多傍渚田肥
潮上下港東西
好吹漁笛喚鷺歸

瘦鷺鷥飛夕照邊
一拳玉破洞庭烟
呼伴侶賞江天
賣魚還了酒家錢

遮莫江湖舊友朋
娶妻多用一方綾
吾老矣事難憑
誤疑水國聘嚴陵

木落江空感可悲
湘山青對定王臺
天欲暮浪花開

瘴風如送楚魂來

摸魚子

癸亥仲冬予與蘭村數晨夕于都門錢謝菴
 吏部家酒無孤斟月有同影韋弦互佩酬唱
 甚歡是年蘭村以憂去越歲予至白下蘭村
 邀袁君湘湄棠同集隨園湘湄為作倉山月
 話圖予題是詞

記年時燕臺詩俊壁牋共話聯夕印梅窗戶玲瓏甚
 吹滿衣稜風雪鄉思切指雁底疎雲澹勝江波色柳
 梢樓末只燈火天涯小歡深醉同聽玉關笛歸來

好幾度倉山烟月茶人滋味清絕舊家喬木留雲住
蒼翠畫圖如積歆薛石認秋老寒螢小卧枯荷側酒
深惜別怕後夜星辰短篷雙槩輕似渡江葉

時子將
回梁溪

浪淘沙

秋宵風雨竟夕不寐

心字夜香燒悶倚窗寮縱無桐葉并芭蕉黃篋樓低
聽暮雨却也瀟瀟 漁火溼江橋將趁歸潮何年野
寺築山椒幾杵疎鐘風咽住不是忘敲

如夢令

不在深深庭宇却又憑樓高處除月數疎星數到銀

河邊住無據無據那是盈盈牛女

鵲踏枝

題織女機絲圖

蠶背霜花交隱起幾度拋梭冷刻鴛鴦翅帖帖雲絲
纏左臂七襄不動銀河水暗記空留機上字綾扇
低回夜憶嬋娟子西北牽牛愁獨指長星遠隔蒼龍
是

菩薩蠻

燕來雁去無消息濃春盼到清秋節不信竟無書除
非問鯉魚含愁復含怨心似芭蕉捲蕉葉有時開

儂心逐漸灰

臺城路

玉釵小颭蜻蜒翼
新詞寫殘
縣紙密樹通簾
水精眠
夢風雨石城迢遞
無言桃李正憶得
鮫絲可憐青婢
拘取薦紅春寒
今夜渡江未
琵琶休怨宮徵
送連錢一曲
彈冷纖指
薜荔悲黃菖蒲
懼綠淚眼
燈光如水
關河千里
乍黯黯
星辰竹枝烟底
陌上江鴉曉寒
啼又起

百字令

隨園芙蓉盛開
蘭村以詞見柬
時予以秋試

報罷將回梁溪

掃菴尋徑乍逢螢蕭瑟漸驚秋緒見說芙蓉城伴侶
遲我坐香深語斜日倉山陰陰涼氣昨夜藤蘿雨晴
雲隨鶴飛來蒼翠邊住一聲怨上琴絲長江如練
早怕移帆去朝暮峯巒迢遞水更有溟濛烟樹鱗尾
湖荒船脣霜黯少却閑鷗鷺荷筒酒苦此時何限淒
楚

謁金門

風太俗便把白雲吹却還我舊山無恙綠有梅花亦
落清夜松聲謾謾但覺絃音繁促幾度耐心聽不

熟古琴非古曲

一落索

舟中憶別

船泊孤村荒野問春愁怎畫亂紅飛過驛亭西送春
到夕陽邊也 夢裏玉簫臺榭翠簾猶挂儂心從不
解相思自那日分攜夜

踏莎行

江甸紅稀霧屏翠鎖鶯愁燕苦都分我夢闌尋夢雨
如簾還他一枕瞢騰過 盧女嬌癡樊姬婁娜晚妝
恣意重梳裹春來容易惹閒愁不應畫得雙眉妥

立本閣言卷二
三
酹江月

泊舟京口聞隔舫絃索聲

繁絃窈渺任嚶嚶涼雁飛來江浦不似蓬瀛山下聽
滿把風沙吹暮一曲楓香幾絲蘭淚起讀傷心賦勞
嘈咽切此聲爲趙爲楚夜半潭老疎雲畫橈人瘦
遲迴靈妃步忽作孤舟嫠婦泣偷寫唐宮遺譜朱鳥
南移素蟾西下頓蕩潯陽鼓空波千頃微茫有夢來
去

臺城路

讀絕妙好詞韓无咎記英華事水龍吟詞

曲房深鎖行雲夢相逢罷歌湘瑟黯淡鬢風淒迷衫
淚門外落紅蹤跡醒餘漸怯聽鶻啄桐陰一枝殘葉
弄霧非烟曉寒吹澹苧蘿月 閒愁時更重覓只分
香舊事難共春說小雨催詩清風搖竹也自微唼惻
惻醒酒清風搖竹去催詩
小前過山來英華句也袖羅輕拂乍颭斷檀絲杏
鏢么蜨蛩語幽修黛簾雲又黑

憶舊遊

趙良甫

晉函

招同嵇天眉

文煒

顧蘭塘

翰

季集于慧山高綠逸風野興在木夕陽西匿
聞觴歸聲始喚艇入北郭長歌相呼凡會者

七人

趁涼移單舸薄換綃衣波路斜斜引我飄零感算冰
霜投足幾度天涯負了藤蘿雲氣山冷不成霞縱柳
暉重來手牽疎綠采過蘋花堪嗟任身世聽素絃
彈徹悟後年華擗隱荒菴月和孤吟山鬼窈窕蒼厓
閒倚筇枝九節竚立路三义又散髮松陰溪風激激
鳴釣車

臨江僊

行酒郊垌野天浩蕩山家倚畝農歌相答
然同引歸作田園詞十八解

步履尋春春正好年來只爲春忙惜無粉本畫春陽
綠蒲新釣艇紅杏小茅堂 社下燒錢風索索虬驂
儼繪東皇畧多笙鼓楚人鄉大兒粗識字開歷看勾
芒

風景依稀寒食近家家楊柳烟新桃花源記我疑真
疏狂終讓晉高隱不緣秦 邨路莫從年少問攜筇
我自知津山腰曉沒半扉雲最多鷄犬處只少捕魚
人

閨後陽和添荏苒柔柔幾日堪裁紅衣三兩碧溪隈
棟花風正穩童放紙鳶來 埂外新坡平似掌借他

我起樓臺不教牛跡破疎苔陰陰天釀雨細靄落如
灰

蓬戶不多人簇簇年豐便有歡聲樹頭一點小於鶯
節纔逢上巳鳥已換倉庚聽說朱陳新嫁娶當筵
也炙鸞笙南阡北陌媪同行小姑偏遠嫁迢遞隔鄉
城

烟裏又鳴鳴鳩子荷鋤先理花疇年年穀雨做春頭
門闕疑謝客橋矮恰通舟村女暗同村婦約來朝
薄霧應收入山賭唱采茶謳兒眠鸞背負葉嫩捉襟
兜

陌上柳絲吹又盡
蘼蕪匝地生烟雲
低檐矮近梅天
嬾翻蠶子篋
爭數稻秧錢
渡口漁郎侵曉至
筠籃
蝦菜初鮮一舟兀兀泊溪邊
始知新漲濶波拍犝牛
肩

又是一番朝雨歇
閒雲片片都輕可
憐麻亂一區青
孤村生理少
借木縛茅亭
漸見竹溝泥碧滑
蘆塘
已有蛙鳴大家齊
足踏莎汀涼波明
扇扇龍骨水車
靈

五月吾鄉剛煮繭
湖莊絲買如雲閒
來水際種蘆根
細蝦初見目小鴨
互呼羣
拂拂暑風天
養稻吹人

不定涼溫。嫩衣須劈細柴熏。籬緣挑筍破潭爲罽泥
渾

手斧腰鎌歸足樂。松棚綠黯成廬。東家長布入官輪。
杼機空倚壁。閒織碧蛛蜘蛛。月下冠巾來嶽嶽。邨夫
子態酸癯。三王五帝記年圖。似知今古事。譚興晚風
餘

天半崢嶸雲萬疊。蜻蜓飛滿疎脰。胭脂小角剝湖菱。
采香攜短棹。牽蔓破新層。覆屋隴隴槐葉細。鳴蟬
哀裂如箏。儂家甘井最泐澄。晝憑行客汲。齒頰漱寒
冰

聽徹吳歛刪豔體櫓聲尖咽如梭鳴榔閣閣柵南過
茨菇沿水種魴婢隔溪多 天末一星棲杳藹霄垂
奕奕明河出門莫問夜如何妻孥濃睡裏我慣早耘
禾

晚稻成包礪出穀巷無三日晴泥墻根濃蘚碧猗猗
偏逢甲子雨帖少丙丁題 折脚鑄邊煨淡粥初陽
一片熹微頻年鬼瘡總如期禳災邀瞽卜執藥問牛
醫

新築寬場同鏡面霜晴勤課丁男揚風稻穗落珍珍
連耬飛上下碌碡遍東南 穡事垂成家釀熟中秋

好看明蟾崔巍柴檜疊如龕追呼來縣吏火色在髭
髯

今歲逢秋潮又大灣塘曲渚能通接天雲樹戰西風
近邨無野寺嘗聽隔江鐘 鵲讓萬鴉回晚陣秋聲
只聚寒空誰家畫舫看丹楓瘦藤還裊碧尖葉未描
紅

新釀今年團百榷三冬足不愁沾墓田叢樹總繁枯
刪枝燒柶袖帶葉塞泥罏 怪底城鄉天也限無分
臘尾春初飄來絕大雪花纍晨炊煨暖氣此似廟南
烏

屋上添高茅一尺小窗油紙常關前村有客探梅還
香猶凝盡榼雪已滿蒼山 衰病最憐垂白叟地鑪
松節灰殘負喧只是怯風寒當門呼穉子莫把夕陽
攔

殘水高林天黯慘盲風聲滿山河未曛門巷絕經過
依依傷擔側只有小兒多 粟粥芋魁供晚飽木麻
裘裊陽和暖烘烘地困摩阿阿誰工擊缶唱我飯牛
歌

除夜將闌星爛爛書紅斜貼門扉釘盤棗栗橋榼梨
團團真坐守喔喔聽荒鷄 明日明年相覩拜謹謹

村北村西花糕香軟密如飴高田儂自種籬確是山
妻

踏莎行

橋李道中

魚老秋租鴉寒烟戍越舫愁過松陵浦枯荷小鴨獵
殘香一枝藤謝黃昏雨茶具時攜隱書卧注水菰
脆挽寒山暮濛濛花笠山烟圓撈蝦又入潭雲去

木蘭花慢

書嚴修能

元照

畫扇齋詞後

灣頭曾載月移畫舸小平泉更團扇歌殘江梅蝶影

塵黯箏絃憑君十行佳傳寫翠簷屏角落花烟密字
笑熏蘭篆輕螺細擘吟牋 尊前重遡當年愁萬里
怕聞鶻記斷筆籌花新歡借夢山遠湖天溪風又彫
鬢影向盈盈茗水別栽蓮昨夜飛英鏡底明蟾鏡向
人圓

瑣窗寒

西冷寓齋窗閒見金絲花架一股知爲閨中
物先是此間彩雲曾駐疑想芳澤雜以遐思

同郭頻迦

磨作

豔謝璫絲翠拋織股夜牖塵冷人遠香飛斷了年年

花信縱殷勤蝴蝶再來多應忘却眠鬢影便枝迴舊
蕊重穿疎蒂此愁難證銷凝闌空凭只幕地拈來
勝他蘭訊花風吹盡算還傍玉釵無分想前番有涼
月乍窺明蟾卸雀會相並奈如今不管苔衣落紅烟
一寸

前調

郭 麝

頻伽

同作

花落辭枝珠空剩匣是誰留取粉褪香消轉更殢
人淒楚想當時曉涼粧罷小鬟纖手穿無數有紅
絨替約素馨分配明蟬纖羽人去定何許向花

戶油窗拾來愁緒金絲幾縷也還勝同心釵股得
知他又傅著髻鬟明珠翠羽遊何處鎮無聊細撚
閒吟背燈深夜語

長相思

湖山青暮山青一日秋湖一度平鷗無寒此盟風
聲聲雨聲聲只有蘆篷漁父聽瀟湘蘋又生

買陂塘

桐廬阻風

越江流碧無邊際層巒翠滄如霧渡頭葉葉蒲帆穩
翰爾輕於飛鷺天又暮乍黯澹吹人幾點桐廬雨更

無鷗侶向水蒹涼邊烟蘆暝底搖兀一篷住長干
曲一樣畫船游女汀洲誰采蘭杜黃壚汐社銷沈久
寂寞西臺今古鄉思苦正野寺鐘殘又聽津亭鼓宵
長不語見白海漂花青山堆夢潮影入深樹

清平樂

富陽舟夜

高山流水大有濠梁意可惜相如遊倦矣幾點風前
清淚蕭騷古柳空城客愁最怕秋聲添箇無名江
鳥雨中夜夜孤鳴

定風波

蘭溪

薄暝斜陽雨意闌漁村多占小江灣爲羨越人生計
足依竹數枝紅蓼乳鷺欄 藹藹樓臺雲細潤風緊
吹開層峭富春山柔櫓忽停潮未至何事迴波齊唱
上雙灘

浣溪沙

重過西湖得生庵訪華秋槎

瑞澗

丈卽題其

北山旅舍圖

誰是逋僊輩裏人最淒涼處鎮逢君閒看流水過柴
門 載鶴船留雲一片護梅籬剩雪三分買園新結

鈞家鄰

點絳脣

秋千

深院斜陽當時曾見春風鬢
今宵閒靜明月遊絲影
杏版塵凝忘了弓弓印
淒涼甚去年人病柔索花
陰冷

醉桃源

聞友人設丹鼎於上方山書此代柬

鼎堅龍虎結塵沙
滿爐金火奢
醉眠紅日白桃花
半天雲變霞
春寂
厯意交加
空潭生竹芽
涼簑松下

獨風華漁郎何處家

卜算子

題竹聲夜泉圖

泉挂碧峯陰，小屋留人住。
空徑冥冥月未來，木末吹涼雨。
深竹暝禽飛，夢繞橫溪路。
玉笛無聲把一卮，醉共天隨語。

青玉案

鄴城風雨愁飄汝，對慘澹丁香樹。
日暮水漂花不住，無情鶯蝶，無心樓閣，那管春來去。
非關宋玉高唐賦，翠帶重題斷腸句。
唾月推烟情幾許，菱枝太弱，竹

枝太瘦合並楊枝舞

六么令

春陰效晏叔原體

天如中酒難遣乳鳩喚昨宵鶯笙重炙未見冷簷暖
兩地離心持並彼也懷芳伴遠山猶遠蘋飛渚水廢
綠平烟小河岸已近應晴時候只把晚雲看無奈
垂柳絲中依舊鵲巢暗幾度欲書恨字人又翦燈倦
待央酥腕且分杏蕊連葉輕攢上歌釧

一方濃蘚好箇銷魂地最憐粉紅輕蝶沒入柳烟裏
搭桁鏤衣花變那問濺裙未雕瓊檐底今年桃樹擗

把清愁貫香髓 前度華筵飲散沉醉歌難倚昨夜
水調詞工未要紅紅記只是悲遲傷暮天老江帆際
簾鉤燕子飛來何處雙剪春泥帶花氣

江神子

微吟楚鬼憶蘭叢記遊蹤歎飄蓬一角烏雲和恨壓
眉峯天欲釀寒人欲去愁一夜北樓風 幾家鶯蝶
住墻東是重逢是初逢艾蒨香銷珊枕夢匆匆前度
女郎山下月應照見繡屏空

菩薩蠻

柯山道室

清風古木攢幽吹，但聞天籟無人籟。煮石小茅蓬冷，
烟飛出松。山光看不足，絕似峩峩綠。覺有異香無，
花開採藥壺。

望江南

櫻桃下午夢覺來慵畫，已無聊。何況夜花如不落，但
憑風香燼畫簾空。

攜玉笛，腸斷楚山前。只有瀟湘宜暝色，一枝修竹一
枝烟。人在木蘭船。

樓上望遙指隔江亭，知是叢蘆是叢莽。漁燈紅雜鬼
燐青。風起已三更。

高陽臺

月璘名娟姓薛氏錢塘人頻伽之義女也年
十七未字卒頻伽哀之爲覓地於西湖葛嶺
之麓張孝女塚旁鄰而葬焉孫君葦塘寫春
山埋玉圖頻伽自爲記予題是詞

短夢離雲黯花幽雨暮涼吹到孤山隔一重苔便疑
天上人間鋤分孝女墳頭土卜他生同命雙鬢料歸
來昨夜招魂月底江灣 松門慘慘西冷路只湖陰
水抱小塚枯蘭斷後紅塵傷心了不相關如何萬點
楊花淚趁斜陽題墓人還最無端無閣無樓從此荒

寒

滿江紅

落梅

夜月南枝向鏡裏飛破玉環輕烟傍斜籬零落春怨
空山我別孤琴天黯黯疎塵吹滿古簾間更水蒼雲
老有風來無鶴還 黃昏近樓太寒金屈戌碧闌干
悵縞衣人遠愁上眉端料爾未歸魂一縷湘江曲處
蕩迴瀾散幽香千點伴眠鷗潮自寬

南鄉子

自三衢回杭舟次桐廬

蒲艇竹爲篙又泊桐江待暮潮
一夜凝雲商作雪明朝手折梅花
祭謝臯翠尾儘低搖禽小無名集
葦條除却鷺鷥都畏冷寥寥那是
江湖耐久交

清平樂

中宵明月樹影香街直霜重遠
鷄啼已急還坐膽瓶梅側聽卿
寶瑟宮商自從譜熟瀟湘彈到
擅長音節聲聲總帶悲涼

買陂塘

題鷗波追暑圖

裕衣輕凜蘭天氣挂帆恰未初
旭湖風過檻歸鬆鬢

侵曉雪溪涼足船勝屋結漁具詩緣舊約宜重續蕭
疎蘿竹忽黯似烟雲半留人住半借白鷗宿 頻追
想澄澈玉壺千斛古懷如許棖觸山聯眉暈分濃淡
冶絕仲姬粧束吟思促趁酒醞琴清待譜蘋香曲炎
歌忘酷且細數秋期滿花高處銅魄一規綠

好事近

詠梧桐

聽雨憶江南黯澹秋烟如黛幾許蟬前冷綠被晚風
吹碎 下階一葉乍琤然零落楚臣珮何處玉簫聲
斷在窈娘闌外

綺羅香

蘭干

待月無言凭春有恨誰又笛聲三弄隱去蛛螂賺得
絲牽閒空繞垂柳直接春陰圍紅杏曲通香夢憶前
度錦箋藏愁迴文不厭百回誦妝樓那時愁緒記
得纖纖黛底鞦韆丹翹鳳頓隔相思儘有遠眸堪縱因
宛轉欲寄同心書玉字閒情數種剩照澹一角斜陽
雨晴看蝶蝻

蝶戀花

九十春光成蔗尾人共流鶯去住皆非計遙識綠楊

郵外騎故園只在春山際
心小藏愁無次第和雨
和烟攬入溟濛裏蝴蝶宿花醒也未那知燕壘巢難

易